

Opuscula

Opuscula

PERIODVS

ÆTERNI VERBI.

PERFECTISSIMA

D. THOMAS AQUINAS

ANGELICVS

ET QUINTVS

ECCLESIAE DOCTOR

Redeunte annuæ suæ Festivitatis Solenni Die.

In Perantiqua Basilica Ordinis PP. PRÆDICATORUM

Celeberrimi Conventus Posnaniensis,

Inclytæ Provinciæ Majoris Poloniæ.

In publico Dignissimorum Spectatorum Confessu.

APPROBATA

Ad perenne Sæculorum homagium

A

M. IACOBO ANTONIO IOSEPHO

SUROWIECKI

In Alma Generali Universitate Cracoviensi AA. LL. &

Philosophiæ Doctore, in Collegio Lubransciano Acade-

miciæ Posnaniensis Dialectices & Rhetorices Professore,

Contubernij Szoldrsciano-Episcopalis Præfecto

Panegiricis. fastis


MANDATA

Anno quem Chronostichus indicat Versus.

Mendes aC Celerem reX noXam exstinguere pollens

Die Martii quem Numerus refert.

7 Quem nostro, corde Trione colit.



POSNANIÆ

Typis Academicis

IN GENTILITIUM INSIGNE
ILLUSTRISSIMÆ DOMUS
KOŁACZKOVIANÆ.



Epigramma I.

Epigramma II.

LITERA: quam signat famæ merus ipse Character.	§ LITERA: quam spectas plenam virtutibus ipsis
Grata vetustas hanc: nulla delere valet	§ Illius æternum gloria tradet opus.
Hæc totum docuit Mundum pietatis Amorem	§ Hæc Nota præclaris meritis distingvitur Almè
Hanc Reges lustrant, lustrat & Orbis eam.	§ Sic KOŁACZKOVIVS, quilibet Almus adest
Mandatus fastisq; perennibus Aureus ABDANC	§ ABDANC Celsorum monstrans monumenta virorū
Dignus Cælesti: creditur esse libro.	§ Litera sit oculos: illa morata DEI.

PERILLVSTRI.

ac

MAGNIFICO DOMINO.

D. HIERONIMO

De konary

KOŁACZKOWSKI

IUDICI TERRESTRI SCHOVENSI

DIGNISSIMO

MECÆNATI AMPLISSIMO

GRATIOSISSIMO.

Supremum Theologorum Numen THOMAS, Totum se consecrat
Magno Tuo Nomini & Honori, sufficitq; Quinto Ecclesie
Doctore ad Gentilitium Tuum ABDANC primum aestima-
tionis prastolari valorem, sufficit Perfectissima ÆTERNI VERBI
Periodo THOMÆ in sinu Amplissima Gratia Tua concenturiatum
capessere ambitum. Perillustre Magnifice Domine, Mecænatum
Faventissime. Doctoralis equidem AQUINATIS calamus non ali-
bi præscripsit sibi stationem: tantum in Augusta Tua Domo, tan-
quam in Regia Solis. Radijs Beatorum Coruscati Thomistico Pha-
bo: inter Illustrissimas Clarissimorum Tuorum Prædecessorum Ceras
exoriri, eminere, & decorum & satis alium. Serenissima quæ à
Regibus Siciliæ & Aragoniæ deduxit lineamenta, fulgentissimis,
Majorum Tuorum associat lineis ad præcelsum Tuæ famæ Olym-
pum pulchrum est illi splendescere: ut in gradu elevato, in excellenti.
Angelico Doctore dulcissima est conversatio cum Inclitis Tuis Ante-
cessoribus, quorum in terris recordatio dulcis, quorum Nomina Numi-
na sunt, quorum unusquisq; Angelus dici debet: ac Nuntius suæ
famæ. Æmulus Cæli Thomisticus Titan Præclaræ Domus Tuæ lu-
mina æmulatur, reflexoq; indicat radio omnes Illustres hac in Fa-
milia Viros Phæbo dignos, stellis affines, Cælo cognatos. Addidit au-

rum auro & gemmulâ gemmis liberalissima manus JOANNIS Skar-
bek Comititis & Poloni Legati à Boleslao Crivousto de Inchyro Abdan-
corû Stemmata Insignis Viri, ad pretiosum Henrici Cæsaris gazophylaciû,
detraçtoq; annulo æternam sibi desponsavit memoriam, Tuo vero Au-
reo Gentilitio Abdanc ad maiorem æstimationem Gemmam Do-
ctorum, Aureolum Theologorum THOMAM adjicimus: nihil detra-
himus: tantum Doctoralem annulum, cui pretiosa Tua inserimus
facta, Nominis Tui insculpimus Imaginem, ut potè perenni adorea
Dignam. In Celeberrima hac Domo aurea nascitur messis Virorum
quoscunq; requires hac de stirpe Majores: Magnos miraberis magnamq;
in illis laudum materiem. Excedit captum tenuis ingenij Illustris-
simus Præmislus primò de KOLACZKOWICE tandem divisi-
one stativorum cum Konarscijs dictus de Konary KOLACZ-
KOWSKI CASTELLANUS Konariensis. Magnus hic Seren:
Sigismundi I. Ephæsto, pro domo Poloni Orbis Cyneas, in publicis
negotijs ad exteros Principes Legatus. Principibus placuit Viris,
principe à sæculis gloria Dignus. Notus fama ubivis terrarum, U-
bislaus de Konary KOLACZKOWSKI Succamerarius Calif-
sienfis, exoticis lingvis celeberrimus, ingenio majestuosus, adimple-
vit in se mensuram celsi nominis & gloriosæ vitæ metam lemiesq;
amplissimorum dimensuravit operum. Eum spirabat Martem, quem
in Annibale Amilear non vidit, strenuam bellandi cum scriberit ar-
tem primus hic Inviçtus Triumphator ipsos edocuit Rothmagi-
stros, duro ferro lechicos inavare campos ac palmares metere corym-
bos. Eminuit satis in conspicuis Nepotibus Pacosio & Jacobo, qui
Majorem Poloniam magis ac magis ornârunt illustrârunt. Geor-
gius & PETRUS KOLACZKOWSKI generosi dicendi Aquilij:
qui in hostes ut aquilæ involabant, ac Magnanimi Scipiones ut
Patria staret illam fortissima vi armorum tuebantur. Liberalem
fudit sanguinem. MARTINUS KOLACZKOWSKI Æconomus
Ducatus Severien: ne parcam apud posteros haberet laudem, tem-
poribus Vladislai dexterrime ad Smolenscum obiit: an conspersa
via proprij sanguinis purpurisso tanquam per molles Perseus rosas
abiit ad calum legitime certans pro bono communi. In JACOBO
KOLACZKOWSKI Canonico Craci S. R. M. Secretario, In Sta-
nislao Canonico Gnesnen: Sigismundi III. Secretario quævis
aperta quævis illustrissima charismata: ut in sideribus Primæ Ma-
gnitudinis conspiciuntur, nullam ad fatales umbras ecclipsim patien-
tur

tur. Floridissimus ad centifolium immarcescibilis honoris AN-
 DREAS KOŁACZKOWSKI ab Excellentissimo Ianusio Duce
 in Ostrog Castellano Crac: *ob auream suadam appretiatum, cuius*
præconia perennes referent annales, quos doctiloquo de re milita-
ri conscripsit calamo. Traxit etymum nominis normam fortitudinis
 ab Alexandro ALEXANDER KOŁACZKOWSKI exa-
 quavit in se Macedonem dum nunquam cedere scivit malis sed
 illis audentior obviam ivit. Joannem, Stanislaum, Sigismundum,
 Marcum KOŁACZKOVIOS: & Adamum in Aula Sigismundi com-
 morantem ferreus armorum stylus: *claris Virorum inscripsit monumen-*
tis, ut pote Clarissimos bellicosos in velitationibus Heroas. Pretium
Sæculorum Nicolaus KOŁACZKOWSKI Castellanus Krzy-
 winensis, *varijs functionibus unus hic suffecit Atlas. Legatum*
agendo à Sigismundo III. in Sæticum Regnum cum sollenni plausu ut
alter Mercurius susceptus: quem antiquitas Deorum Internun-
tium esse credebat. Binas ille FILIAS Cæciliam & Constantiam reli-
quit, quas Polonus Orbis veneratus est ut duas Gratias quarum una Il-
lustrissimo Joanni à Leszno LESZCZYNSKI Palatino Brzestensi,
Supremo Vice-Cancellario Regni, Altera Stephano à Grudna
Grudzynski Capitaneo Usteni & Belemoviensi in delictum cesse-
re: Honorem Amplissimæ KOŁACZKOVIANÆ Domus excel-
 lentius ornare: *quàm gemma annulum solent. Spectabilis est Ab-*
dancovianus Character copiosam dicendi repræsentans materiam
in Perillustri Magnifico Domino D. Procopio de Konary KOŁA-
CZKOWSKI Præstantissimo Avo Tuo. Fons hic Illustrissimæ fuerat
Prosapiæ alti Sanguinis derivans scaturiginem de Illustrissima
Zdrowska. Aureus ingenio, ætate argenteus, prodigiosis factis al-
ter Visimirus, amicus Reipublicæ, inimicus nulli tantum hostibus fidei.
Veros Majorum jactabat vultus, verissima perfectionis fuerat Icon,
nobilissimæ originis repræsentativum Objectum. Generoso animo
Achilles, claro Nomine Flaminius, fortunâ Lucullus videbatur, ac
omni gloria luculentus. Quæ alios divisa efficiunt beatos, hæc in
uno Procopio collecta copiose cœu in Sole radij in fasciculo flores:
Ejusq; in laudibus nihil est: nisi quoddam immensum. Vivit fa-
ctis post fata perennis de Cujus pulveribus gloria renascitur Phœnix.
 Ad Gentilitiam Abdancovianam literam longum meritorum adjun-
 xit syllabum, ANDREAS de Konary KOŁACZKOWSKI
 Inclytus Amantissimus Pater Tuus quem publica fama Lucum,

pietas Aurelianum, honorifici actus Honorium, Uniuerso commen-
dant: Tuo honori Superi consecrarent. Virum hunc Rosa &
purpura Dignissimum ipse Augustus Sanguis quem de Illustrissi-
ma Catharina Chłapowska in se efformavit: indicat absq̃ eru-
bescencia. Ad Illustrissimas Ceras lucidum Ejus nomen nulla
obscurabit obliuio, nulla aduersa exstinguet temporum Æolia,
cui pro phæbeis radijs inextinctos probitatum igniculos superadde-
re sciruit, Tuæ Illustrissimæ Domui Magnifice Domine, insignes
decorum accendit prognoses. Ardebat hic Andreas igne amoriser-
ga Superos, ardebat pro Patria mori & dum non potuit: obiit in
Patria, perfectum vitæ exitum gloriosis factis comprobavit. Accessit
novus splendor Clarissimæ huic Domui ab Illustrissima Catha-
rina Chłapowska de Illustri: Szoldrska Illustr: & Reveren.
D. ANDRÆ SZOLDRSKI Episcopi Posnaniensis Germana
Sorore procreata. Avia Tua Excellentissima quæ omnem Aureæ
Abdancorum Literæ exornationis addidit figuram, Purpuratos Viros
ex materia Purpurati Sanguinis Polono Senatui procreavit. Prodit
in publicum Spectaculum, quam olim in lucem Illustrissima Kacz-
koviana Stirps prodidit Sophia Krzyzanowska, Mater Tua Dile-
ctissima, quæ Genere Iuno, specie Polona Amalibæa, mira vitæ
præstantia Tomiris, nobilitate Renata, venustate Pandora, cultu
Divorum Claudia, singula in se ut in viridario conclusit specimina:
ipsi in oblectamentum cessit Cælo. Illustris Tua Domus Perillustris
Magnifice Domine: ut pote in qua Fulgentissimæ Majorum Cera
tot pulcherrimæ in prima facie Celsoꝝ Aborigenum supereminent
Icones. Magnificentia in Te tanquā lilia in horto siue astra in Cælo con-
clusisti, Perillustris Magnifice Dne. **D. Hieronime de konary KOLA-
CZKOWSKI** Judex Terrestris Schovensis Dignissime, Magnū Nomē
Tuū, magna est panegiris laudis Tuæ tam sublimis excellentia: ut vix
attingi ab Oratoribus possit, lustrantur in Te illustria merita ina-
stimabilia decora Iberiacas exsuperantia arenas ac Dalmaticum
aurum. Iuisti de probitate in probitatem per honorificos actus, nulla
non aurelia via processisti & cum fueris ejusmodi Celerinus non e-
gisti Lentulum ad eminentem dignitatis gradum imprimis Calissien-
sem Pocillatorem nunc Judicem Terrestris Schovensis ad
ministrando: utriq̃ officio satis ad gloriam sufficis, Tuis preconijs
exigua hæc pagina sufficere impar. Languida nunquam est Rei-
pub. salus, cui in Pocillatorem siue in Refocillatorem cessisti nec
ad

*ad præsens laborare videtur, pro cuius Domo sedulo laboras: erudi-
 cito calamo saluberrima præscribis media, in quovis subsellio Seden-
 tarium agis pro Ejus Integritate, pro DEO & veritate. Iustissimū
 Ryphaum adamūssim observas, custodia legum civitates defendis
 bene gnarus quod non adamantinis vinculis quæ Dionysius Senior
 crebro in ore habebat vi atq; metu: sed iustitia & æquitate quævis
 imperia retinentur. De cælo iustitia prospexit ac Te Dignissimum
 JUDICEM perspexit: divina in terris obeuntem munia, omni fide-
 litatis munitum Sacramento. Erudis pijs laboribus manus, explicas
 magna munerum exempla cum munificis Alphonfis, beatissimæ in Te
 dores concelebrantur: liberalitas & clementia, aurifluam liberalitatem
 in Divorum Altaria spargis, seminas largam munificentia messem
 in pupillos: ut fructus cum benedictione metas. Clementia singulos
 Tibi obligas, per Te Eximium Judicem multi conservantur, con-
 sonum est ut Te Emeritissimum Virum sacula nobis reverenter con-
 servent. In Iudicijs, Comitijs, Tribunalibus quæcumq; formasti vocem,
 hæc dici debet vox Clamantis pro Salute Patriæ: an potius vox De-
 clamans totum per Orbem tuam famam. In theatro corporis spe-
 ciosa quævis prætefers insignia, proscenium non aliud repræsentas, nisi
 prodigiosarum probitatum. In Viennensi Bello temporibus IOAN-
 NIS III. heroïces actus Tuos nō cōmemoro, quos classicus famæ pu-
 blicabit rumor: prout pro Domo Tui honoris certabas, eoq; coronato
 pede sub AUGUSTO II. lechicos calcabas cāpos laureas colligēdo, de-
 xtra manu vitā Magnorū Procerū dexterrimè tuebaris: sinistra e-
 vaginata à rabie hostiū arma, in ipsos malevolos herostratos movebas,
 fulmina jaciebas in eosdem feriendos, & quovis in discrimine fueras
 securus à fulmine malorū: ut heros Laureatus. Præstolaris in venerā-
 da senectute ab omnibus venerationē ampliōrē adijcient sæcula vëtura.
 Excellis humanitate Pompejū, affabilitate Ottonem, majestate Cæ-
 sarianū, ac ex omnibus Casar videris. Plura ingentia tua merita
 debile meū opprimunt calami, hæc enim encomiorū summa est in Te:
 quia laudabilis es ac tota materia laudis. Coronæ cordis Tui Di-
 lectissimi Filij ex Prima Consorte Illu: Domina Elisabetha
 Bilinska, Illust: ac Mag. D. ADAMUS de Konary KOŁA-
 CZKOWSKI Colonellus S. R. M. & R. paterna virtute bea-
 tus, ingenij celsitudine præstantissimus exemplari dotus superemi-
 nens authoritate. Exoticos Ille lustravit an potius illustravit soles,
 quovis in loco quovis in honorifico subsellio ut illustrissimus cernitur*

Phœbus per auge meritorum gradiendo. In manibus Ejus ferrum
 ignescit, ex celsa fronte fortissimus cernitur Marcellus, putcherrimo
 virtutum satellitio stipatus, ubiis nonnisi in publicam venerationis
 aciem prodit. Ad purpuras Natus Purpuratorum hic Ocellus Virorū
 Corculum Regum; Patronus Faventissimus Patriæ, hostibus infer-
 sus. Resplendet ut tersissima Gemma ad pulveres mortalitatis: Qua-
 rem fulgida virtus lucidumq̃ effecit Nomen. Illu: ac Mag. D. Lucas de
 Konary KOŁACZKOWSKI Notarius Gnesn. postea Calisien.
 qui licet cupidus sit præreptus ab astris, aureus Illum calamus omni
 præferet ævo. Vigebit in floridissima sua Progenie Mathia Hieronimo
 & Iosepho: quæ jam sub Lubransciana Pinu achæmenios spirat
 odores, longioremq̃ gloria protrahet cursum, quæ Illi tenuis vita abbre-
 viavit. Ruit flexibilis calamus in adorem Peril: Adm. Rev. ac Exi-
 mij P. Pauli de Konary KOŁACZKOWSKI Supprioris Dignissimi
 Tremesnēsis. Quem omnes repetitis vicibus incolere honores, innumera
 virtutum & meritorū coronare fasciæ: ipsa nonnisi bicollis Abbatialis
 Infula emeritū Ejus Capitis verticē anhelat circū dare. Quātus syl-
 bus quā plurima significatio in ABDANCOVIANA LITERA quā amplissimus
 processus in laudibus Tuis Gratiōssime Mecænas saculorū explicabunt
 myriades cū hac spatha sit meis humeris impar. Sufficit ad gloria
 Cōmendationē Abdancovianus character indelebilis in ILLUSTRIS-
 SIMIS, Rogalinskijs, Zakrzewskijs, Morawskijs, Szoldrskijs, Bielin-
 skijs, Golinskijs, Krzyzanowskijs, Kaczkowskijs, Zdrowskijs, Kowal-
 skijs, Turobojskijs, Pękoslawskijs, Chłapowskijs, Obiezierskijs, Ra-
 dolinskijs, Boianowskijs, Cieleccijs, Kosobuccijs, Dobrzyccijs, Smi-
 gielskijs, Leszczynijs, Malechowskijs, Choienskijs, Buczaccijs, Iazło-
 wieccijs, Konarskijs, Białobrzescijs, Bolemowijs, Słumowskijs,
 Cieclinskijs, Machowskijs, Warliccijs, Manieccijs, Zapolskijs, Gorzyn-
 skijs, &c. Ad Illustrissima igitur Magnarū Familiarū exempla sub
 Gentilitia Litera Expressā, Clarissimis Tuorū Aboriginū meritis di-
 stinctā ÆTERNI VERBI Periodū THOMAM, gratiosius Tuis conse-
 cro manibus. ANGELICUS Hic DOCTOR argumentetur in forma
 tuæ saluti adequata: inferat annis annos successibus successus, con-
 cludat Te Gemmā Virorū Doctorali in Annulo, Tibi Dignissimo Judici
 adjudicet hoc privilegium: ne Te nivea de libro viventium deleat sene-
 sta. Ita Voveo.

ILLUSTRISSIMI TUI NOMINIS.

Cultor & Humilis Adorator.
 Author Operis.



ORATIO



Uguſta magnalia loqui, grandem elogiꝝ
Iliadem capaciffimo verborum complecti
ambitu, Abyſſum THOMAM vaſta mentis in-
dagine profundius comprehendere, dubium
ineffabile dictu, operoſa ſudoriferæ mentis
preſſura, perennis eruditorum niſus, tortuo-
ſum ingeniorum ſcrutinium, indefinitum ſæ-
culorum præconium, ac profundus ipſius æ-
ternitatis conceptus. AA. Ampliſſima quippe ac in univerſum
compendiata laudum Summa in Angelico Doctore, Summum
eſt ſæculorum prædicamentum, humanorum transcendens in-
geniorum, probabilis in univerſas Mundi partes propoſitio, cui
exiguus Prothæſis athomus ſi gigantefceret in tomum, Cælum
ſi verteretur in folium, Orbis in orbicularem circumductionem
vix ſufficere poſſent. Admiranda THOMÆ præconia, longa
amplificabit vetuſtas, definiet ætas præſens, ſigillatim dividet
ſequens, ventura ætas de illis cum reverentia argumentabitur,
ipla æternitas abſq; ullo concludet fine: de quibus in puncto
nemo poteſt Oratorum. Præfulget admirabili notata ſtylo in
terſiſſima Dominici fronte pulchrè ſupereminens Aurora ad
tranandum tenui dictionis phaſello, Aquinaticum Mare, cun-
ctabundè dirigendo lembum ingenii: nullum in illo terminum,
nullas Gaditaneas fixas video columnas, plus ultra in profundum
ejuſ ferri metuo, nec gemmas verborum deſero: ut pote eje-
ctamenta Aquinatici Maris. Abyſſus THOMAS abyſſum invocat
in profundiffima ſua elogia, quantum illa expiſcari licet calamo
de THO.

de THOMA Abyſſo, tantuſq; in laudibus THOMÆ datur proces-
sus, tantum infinitum, ut nec cancellis prudentiſſimæ mentis vale-
at limitari. Arrectis auribus totum Vocales per Orbem audien-
ti ſunt Prædicatores, qui dum prædicant invitant ad cathedram,
ſec indefeſſa ſua prædicatione intercipiunt Oratoria modula-
mina, ſed reboanti ore acutâ linguâ obmutefcentem etiam Me-
moriæ ad activam compungunt vocem. Ad nitidiſſimum So-
lis diem exoritur Thomiſticus Phæbus, de oleo eruditionis O-
ratoria accendit lumina, phæbeum illis ſuperaddit ſudum, in-
ſolennem ſuum plauſum largum communicat mendicabu-
rum. Grandinent fluida repaſo ore tenus verba, ſuat hyblæum
loquentiæ nectar, ubi THOMAS Abyſſus ex præmiſſo ſuo No-
mine influit in conſequentiam argumentorum, ubi AQUINAS
reſolubile Elementum in aquas, opus Orationis facit elemen-
tatum ſimile enim producit ſibi ſimile. Glomerato currite paſ-
ſu ſive potius eruditis ad Oratorios ſuggeſſe evolate penniſ ma-
gni Valerij, Lucij, Camilli, Arpinates, penetrativa vox aduſq; cla-
mantium expoſcit Prædicatorum, profundos ſenſus formate
de THOMA Abyſſo, Nomen Ejus perennibus mandate chartis,
ſureis Praxitelis exprimate columnis, ne THOMAS Abyſſus laba-
tur an elabatur de authographo memoriæ Immortalis. Saltim
unicam loquimini roſam Hortenſij: Centuriati unanimi voto
indulgent Viri, & ſi ſub magna elogiorum mole fatiſcetiſ, fulci-
ent voſ floribûs, ſtipabunt voſ roſis Patres Roſariani. In Ange-
lica Schola ſub multis Thomiſticis Doctoribus inſignius eſt pro-
ficiendum in verba, diſcendum ſaltim aliquid: ſi non totum, imò
licere de Prædicatoribus: hoc totum præſupponitur eſſe in
Prædicatoribus. Ediſſerere magnalia THOMÆ ſi parvitas metuit
enuiſ diſtionis: Ipſa Tiarata hujus Ordinis Capita non per-
partes, ſed ut quid totum nempe Thomam Corynthum celſæ
ſapientiæ, Summum Verticem Doctorum, Areopagum elevatæ
ſcientiæ affirmant: ut Supremum Theologorum Numen vene-
rantur. Mirificò encenſium inſtructum cothurno feratur ſu-
pra THOMAM Abyſſum Pneuma Oratorium, Abyſſum tamen
THOMAM mirari magis quam ſcrutari licet, THOMAS ta-
men Abyſſus dicit intenſionem ad profunda ingenia, extenſionem
protrahit ad infinitam æternitatem. Indelebilis gloriæ character
poſthumæ intimabit ætati, nulla unquam oblitterabit oblivio, quod
Thomas

THOMAS Emporium omnis literaturæ, Theatrum Doctorum,
 Universitas eruditionis, Sacrarium divini intellectus, Universale
 probitatum, ac imperscrutabilis elogiorum Labyrinthus. THO-
 MAS Abyssus imos sensus alluit, obruit flumen dicendi, obstruit
 oralloquentium, immenso, suo hiatu vim dicendi enervat, tantamq;
 causet tempestatem, ut de irrorantibus genas sudoribus fecundus
 depluere videatur imber, verum non absq; grandi sonitu fulminei
 oris. Componunt elephanteam Orationis Gigantomachiam vasta
 Magnorum Sanctorum lipsana, ac innumera Beatorum Ossa in Per-
 augusto hujus Basilicæ Cimeliarcho, sed Jove Minorem THOMAM
 capere, metiri, palpare, cōtrectare, pondus fragilibus viribus impar,
 Thomisticū Solem lynce prospicere pupilla niscus magnarū Aquila-
 rum. Grandis elogiorum moles non unum poscit Erysteum non
 unum aggravat bajulatorem, anxius in ulteriori processu anfra-
 ctus erudita capita & sagacissimas mentes in quandam verti-
 ginem rotat. Sane Quintus Ecclesiæ Doctor, primum est de prin-
 cipali specimine suæ laudis prædicabile, Abyssus THOMAS sub
 profundam cadit æternitatis cognitionem. Et quousq; tandem
 Lentulum non Celerinum in processu dictionis ages Orator?
 Quousq; tandem in Angelica Schola silentium observabis? Sol-
 venda jam est in margine dicendi cymba ingenij, emergendum
 est de labyrintho difficultatum, plus ultra velis remisq; ad Abys-
 sum THOMAM contendendum. Vado Orator ad Illustres Pa-
 trum Prædicatorum umbras, quo me prodromus coryphæus
 Dominici ducit catellus, Aquinatico Mari cum profundo sub-
 mergor submissionis præcipitio, & magnalia de THOMA loqui
 magnæ recomendo Æternitati. Conlummatus Doctor THO-
 MAS, perfectum de ÆTERNO VERBO absolvit sensum, in adæ-
 quata forma Increatam Sapientiam elevato suo calamo deline-
 avit. Unde THOMAM Periodum ÆTERNI VERBI Perfectissi-
 mam in imagine Oratoriæ figuræ manifestabo. Ad Te Abyssum
 protectionis nostræ recurro Angelice Doctor, Abyssuses: influas
 in præmissas argumentorum, in exordio dicendi Eminentissime
 Theologorum Phæbe exoriaris, pande umbram gratiæ, a thomum
 attrahe periodum, nec inferiora astra mea Oratio curabit, si a Te
 Superiori regulariter movebitur ad sphæram perfectionis. Fluet
 verò adamussim periodica circumductio, si illi ostium benevolæ
 attentionis aperietis DD., AA.

Prodigiosis lineis Prothogenis non utor ad delineandam in consummato omnigenæ perfectionis Systemmate Periodum, lumina nonnisi per diophtram ingenij coloresq; verborum applico, vos umbram gratiæ superaddite facilesq; este in mea Vota. A A. Periodus equidem est brevis grandium verborum ambitus, adinstar venustæ ex varijs comis nexæ coronæ, adinstar Cælum præcingentis iridis, adinstar pronubi æternitatis annuli, adinstar parvæ imaginis Apellis rectissimas in se lineas concludentis. Ex pulsanibus suis acroterijs Olympum turribus basilica structura, ex tersissima fronte pura crySTALLUS, ex attractione ferri magnes, ex gemmatis fibulis, argenteis tintinabulis auroq; intextis filis paludamentum cognoscitur, ex integra verborum serie colligitur Periodus Perfecta. Occultum Periodi mysterium ex aperto Cælo possumus conjicere, cujus sideres frons quot appensas in aëre præfert lampadas, tot insignia sunt commata, quot stellæ tot asterisci, ad perfectum collimantes punctum, nempe Auricomæ radii distinctum Phæbum. In rotunda terræ figura sinuosus periodi est pulcherimè expressus ambitus, mundus in gemma, terra in corona, quid tantum sagacem in se movet pupillam hoc volubile patet, quæcunq; Suprema Intelligentia fecerat sunt valde bona, singula conclusa in perfectissima periodo, rotundissimè ex ore Altissimi efformata. Loquuntur Tiaræ & Insulæ toties membratim: quoties emerita membra coronant, hianti; suo ore toties fluidius perorare anhelant, quoties sitiunt tempora docta. Auro onusta Regum sceptræ ingentes sunt exclamationis notæ: sub quibus multum proficit Orbis, nè extra sphaeram virtutis rotetur. Floridam in ambitu terræ Syracusano populo demonstravit periodum ingeniosus Archimedes, dum illam sub rosa proprii sanguinis obfigillavit. Cultius loquar illa virtuosa laudatur Periodus quæ ducitur tanquam ex filo & magnum pressula rotunditate in se complectitur sensum. Ejusmodi omnigenæ perfectionis punctum in Thomisticum Solem collimavit, ipsi radij in pectore THOMÆ indigitant non sine nota admirationis Perfectissimam ÆTERNI VERBI Periodum. Hic Supremus Theologorum Præses de Altissima Sapientia in Theologicis mysterijs verum expressit sensum. Hic Angelicus Doctor de Abbreviato Verbo brevissimè omnia absolvit profundissimis argumentis

con-

conclufit. Ignotus adhuc Mundo THOMAS, per Anachoretam in dumofis eremiticis fylvis piam arctæ vitæ austeritatem degentem inauguratus Theodoræ Matri: Athænis & Lycæis notificatus. Latebat Donum Dei Theodoram, quâ gemmâ locupletabatur, quid in penetralibus quid in archive fui pectoris condebat, ecce Perfectiffimam Periodum quæ ad informationem rudis sæculi ex visceribus Ejus defumpta efformata. Quid quid procax Anachoretæ argumentabatur lingua, hoc obiectum fuerat verum, nec fpec in sterilem cecidere glebam, verum in fructum prægnantem. Non ex crassa Serviliorum vena, fed ex purpurato Regum Cælarumq; Siciliæ & Aragoniæ fanguine progenitus THOMAS, omnem crassum erubuit fenfum. Primum vitæ fuæ exordium ferò inchoavit non abfq; prodigio, fupra elaboratum enim fenfum fudant ingenia & commorantur, maturus ex arbore lentè carpitur fructus, qui per longum dulcefcit tempus, magnifica funt, quæ non fæpè contingunt, fenefcentibus Parentibus in gaudium juvenefcit proles, unius roris partus funt fungi: non gemmæ, & elephas decennio parit fed elephantem. Infans hic ad millena Superum oscula natus, fasciis involvebatur ut fieret volubili-
lor, prægrandes Avorum Atavorumq; admirabatur imagines, quoties Illuftres illorum frontes intuebatur, toties cerebrum fumebat ut docta Periodus effet: quis ex infantilibus cunabulis tanquam ex tabula Periodum non conjciet THOMAM. Novit hic Adolefcentulus inter crepundia vitreum efle quidquid lucet, novit porrecta ephæbis mala non fempè gustui arridere & inter fonora tintinnabula novit citiùs pueros plorare quam tripudiare: maluitq; portari nutricum manibus ne ad vitrea crepundia offenderet pedem, in quibus mobilis non folidus apprehenfa à longe Marianâ fchedulâ ruit in terram, mirus cafus: fed in venerationem Mariæ, detineri ambitu manuum non potuit: utiq; rotunda & finuofa Periodus erat. Effrenatus in omne fas, cereus in virtutes, infolens pufio ad talem chartam, quam in ore non in otio confulpfit. Qualis ifta charta fuerat? ecce diploma Reginæ Cælorum, ecce intitulata Mariano Nomine epiftola: myfterium Angelicæ Salutationis continens: quod modo devota mente recitamus: Ille in fteratâ oris fui ponderavit: inauditumq; fecretum ob-

figillavit pectore toto. Dimissus è manibus Angelicus Juve-
nis THOMAS in terram, in domicilio cordis sui inhabitatæ
gaudium annuntiavit MARIE. Verus futurus Religiosus cælò
non cellâ dignus: ut Ianuam Cæli apertam haberet supplici
voce pulsare didicit ad Inventum AVE MARIA. Mare Gra-
tiarum absorpsit Abyssus THOMAS, ut omnem in se perfe-
ctionem adimpleret, arida aliorum desideria coronaret, & in
Nomine Omnipotentis MARIE omnibus fieret omnia. Quoties
ad tacitas Religiosorum cellas incantabat AVE MARIA, to-
ties plausum fecit Assumptæ in cælum MARIE. Probavit ocu-
lorum aciem ad Aciem Castrorû Ordinatam Divinior hic Cy-
neas rotunda salutationis periodo Civitatem Refugij expugna-
vit, amicum se à corde MARIE demonstravit: non inimicum.
Ut viveret & viveret abundantius de Benedicto Fructu aleba-
tur, lacteâq; delibatâ chartâ ut suavior foret Periodus. Apo-
stolicus Notarius THOMAS cælestia imprimens acta torcula-
ri cordis sui, non miscebat rotundis quadrata. Verbo si ex
auctuario plurimorum verborum accrescit periodus, THOMAS
in roseo cordis sui folio Angelicam amplificationem conclusit ut
profundis ac pluribûs sensibûs cõstaret Periodus. Exemplar pietatis
normam Sanctimonie ex prodigiosa scheda cum didice-
rit, ad humaniora studia suum animum convertit, in Mon-
te Cassino tanta mentis tumuit magnitudine: ut etiam acu-
mine ingenij Cælum expugnare videretur, in hanc subtilem
assurgendo Quæstionem: QUID EST DEUS? Obstupescite
Auditores: Infinitum Unumq; in Trinitate Deum cancellis
capacissimæ mentis conclusit THOMAS, hoc thema pro-
posuit: quod sapit æternitatem Abyssus, profunditatis THO-
MAS, an Periodica ÆTERNI VERBI Circumductio. Militet
numerosus Angelorum exercitus cum decertante Angelico
Doctore, respondeat ad ineffabilem Propositionem suis lin-
guis Cælum, aut potius mecum concludat æternitas affirma-
tivè de THOMA, Qui tribus verbis probabiliter absolvit o-
mnia Perfectissimam Periodum esse. Si quandum terrenis mor-
talibus conferunt beatitudinem scientiæ, certè sub Benedicto
Professore hæc omnis influxit in Abyssum THOMAM tanquam
ros in concham, in oblongum laudis folium Doctoralemq; laure-
am THOMÆ cessit Gentilitia hujus Præsulis Rosa. E Cassino
monte

Monte venientem Neapolim THOMAM, umbræ etiam bi-
collis Parnassi venerabantur non metuebant. Quid dico in
sollennem Illius plausum montium juga assurgebant, nec jam
THOMAS in Parnasso hospes; sed in THOMA domesticus
Parnassus cernebatur, poeticis firmatus pedibus solidis con-
stantissimus in virtutibus, in umbrifero ita eminuit alto, quasi
in apogæo Phæbus. Per incrementa probitatum fusam di-
numerabat quantitatem, prudentissimus annorum & factorum
computator in quædam commata teneram divisit ætatem, ut
ex tanta serie fieret Periodus ÆTERNI VERBI in infinitum pro-
tensa. Quæ ab alijs perficiebantur, illi perfecta & consummata:
fuere, quæ alijs adiiciuntur, illi subjecta, quæ alijs accidisse
illi destinata fuisse credebantur, sudores: steriles aliorum guttæ,
Illius gemmæ, studia finiebat in puncto, vitam absolvebat in
perfectione, ac Periodus in plenilunio consummatæ prudentiæ
fuerat: rotundissima. Innatæ modestiæ spectaculum, parvæ de
se opinionis amator, evanidas mundi voluptates pulcherime
per humilitatem elusit unicus Servorum Servus factus in Reli-
gione D: Dominici sed Ipsius Dei. Illustrissimas à Serenissi-
mis Aragoniæ Regibus diductas Ceras, illustribus religiosis
junxit umbris, fulgentissimas Aborigenum Imagines altarijs
Divorum consecravit: non ad purpuratos Majorum suorum
fasces sed ad facem Dominici Sacrationis Diogenis vigil DE-
UM non homines quærebat, liquidum Elementum factus
est AQUINAS, sed in profundum amorem solius DEI, sum-
mopere hoc contentus videri in Choro non in throno, magis
appetens in sacris latere angulis, quam in majestate lucere.
Munitum & beatum se undiq; censebat in Sacerrimo Domi-
nici Monasterio, sed adversam expertus est militiam: utiq;
pacatum mare fluctus in tranquillitate componit, libera avis
dum nimis volat exitium sibi liberis proscribit alis, vertitur
sæpius cythara in luctum: madidisq; insunt lachrymis joci,
THOMAM capere ac decipere volentes inimici fratres non
amici, ad occlusam claustrum ianuam vigiles excubias perage-
bant. Vado Orator nempè Lutetiam: quo me atalanteo sal-
titans passu Dominici ducit catellus, si ille filebit pax erit, si
latrabit certè in inimicos; ego penes Te consisto THOMAM
& prout potero defendam, aut Tu me ipsum defende protege ab.


conde: ut Abyssus protectionis nostræ. Ita factum prout reso-
luit echo: ferijtq; ingens sidera clamor: & stupeo quanti Te
visibiles circumdederunt hostes nonhospites, unum par fratrum
sed dispar charitas, binio, absq; unione, discors concordia, uniti affe-
ctus vinculum dissolutum, duo fratres bini fratricidæ, E fron-
te Angeli à tergo arietantes agnelli, jam in Te commoran-
tem in sylva innocuam conspirant oviculam: ut à Grege Do-
minici expellant. Multa verborum scommata non commata
perpeffus THOMAS, plurima acutæ lingvæ incisa pertulit:
cultior Periodus formabatur. Vix tandem stetit ante faciem
Matris illico in venerationem Ejus corruit telis furoris non
amoris impulsus. Crudelis Patrona non mitis Domina, no-
verca non Mater, fulminatrix non protectrix, expugnat pu-
gnis firmum propositum THOMÆ, nimium desiderium sum-
ma extenuat fame, corpus carcere torquet, ferrois dedeco-
rat catenis, ad velle THOMÆ indifferens est: sed spes inani
crepuere vento: nec expugnavit, nec exstinxit, nec extorsit,
nec distulit, nec damnavit, petra in suo proposito immobi-
lis THOMAS, imo Periodus non vitiosa. Murmurent immen-
so cum gemitu fratres, cum fremitu viperinæ sibilant soro-
res, amara non amabilis Mater inauditis cum strepitu accla-
mationibus silentiosum carcerem implet, THOMAS ad rauca
verborum horologia cor suum pungentia extra punctum
perfectionis non excessit. Ad extremum pulchrum monstrum
compta in imagine infernalis elaborata Sibylla fallere THO-
MAM voluit sed non potuit, clarissima enim Periodus fi-
gmentatam non involuit Prosopopæjam. Plus vigila nec so-
mno deditus esto o THOMA! Virgo hæc virga est, à qua
etiam vapulant innocentes, hostis in caput non hospes, ele-
gans probrum, dedecens Pulcheria, incompta Pandora, &
atrox harpya. Virago hæc astu & fastu plena time for-
mosam & formidolosam, quoties aciem oculorum vibrat,
toties occidit, quoties os aperit, toties quærit quem devoret,
quoties præsentat faciem, toties funebralem accendit facem
acutaq; lingua astutas infidias struit. Verùm has incultas for-
mas THOMAS Periodus non admisit, tantos errores apertè
cognovit in occulto antro, larvam hanc vitiosam ustulata tæ-
da proscripsit, eliminavit, fomitem fomite ignibus ignem ex-
stinxit.


extinxit. Illustris Periodus non absq; ornatu baltheo ab Ange-
lis THOMAS præcinctus non absq; pleno sensu: Quem ad sa-
tietatem satis aluit Cælum. Egreditur per fenestram de servi-
tute liber in conscientia, egreditur hac viâ: quâ cæteri ad æ-
ternitatem ivere, non clava ut Hercules: sed ustulato titione de-
lernæa triumphavit hydra, effrontem Cruce Domini in fronte si-
gnavit, & ut alter animæ suæ Salvator de inferioribus tenebris.
resurrexit, cardo virtutis THOMAS vitiis ostium clausit,
& de occluso carcere sic migravit: ut sinuosa Periodus transfer-
ri solet. Rupes post Orphæum curret, THOMAM Agrippinam
tendentem ipsa eloquentia festina ac festiva Gradatione conco-
mitatur. Ad liligeros Parisiorum flores, floridæ fructus scien-
tiæ, emedullatæ succum sapientiæ sub Magno ALBERTO ut la-
boriosa colligens apis, insperatum degeneravit in bovem ob-
summam modestiam prænuntiam Sanctitatis à coathletis pro-
fanatam. Bos THOMAS: quoties mugijt: toties vox veri-
fuerat Periclis ÆTERNUM VERBUM declamantis. Bos THO-
MAS, cujus hæc proprietas rationari, argumentari, & cornuto di-
lemmate Manichæos arietare. Bos THOMAS: sed de hoc grege
Qui dixit de se: Ego sum Pastor Bonus. Bos THOMAS: qui
excelso oculo superbos despicit heræsiarchas. Bos THOMAS:
simplicis de se sensus & profundum claudens sensum Perio-
dus. Bos hic antequam dulce Lignum CHRISTI portavit, ama-
rum prius impositum sibi à condiscipulis tulit jugum. Bos
THOMAS, Ejus pascua FLOS CAMPI. Bos THOMAS: qui BE-
NEDICTAM vexit TERRAM ad Cælum. Bos THOMAS: qui ad
deportandam Arcam DEI succulanecis humeros supponebat. Bos
THOMAS: qui in Mariano Roseto arabat, decades non deci-
mas numerabat. Bos THOMAS animal disciplinabile: cogno-
vit ÆTERNUM VERBUM, flexis genibus adoravit, cornua in cir-
culum arcuavit, ut perfectius in periodica circumductione
delinearet. Bos hic prænuntius pluviae, sed largæ pænitentiae.
Bos THOMAS: non absq; mortificationis flagello. Bos THO-
MAS non licentiosus extra præscriptos limites mandatorum
DEI: imo Periodus non excedens extra sphaeram. Bos hic
qui de Fonte Vitæ profundum sensum hausit, ut fluida Perio-
dus esset. Bos THOMAS: suo obediens Magistro & Pastori.
Bos THOMAS in umbris religiosis quiescens. Ab hoc Bove

majori: discant arare minores & grana sapientiæ cultius in agel-
lis rudium ingeniorum seminare. Bos THOMAS: quoties in
literaria arena reboanti infremuit voce, toties non interrupta
Periodus erat. In intimam venerationem Dei membra sua
strangulabat hic Bos, ut membratim Periodus clauderetur. Bos
THOMAS: grãdia afflictionũ sustinuit propter DEUM juga, utiq;
sic vos non vobis fertis aratra boves. Bos THOMAS de svavibus
scientiæ fructibus alebatur: ne cruda & insuavis Periodus esset.
Desinite jam magnificum nihil strepitantes & insultantes con-
tra assurgere ingrati commilitones, jam THOMAM humilem
suum Discipulum in celsum laudis elevat gradum, jam non
Bovem sed Jovem concelebrat ac super cathedras effert AR-
CHIEPISCOPUS Magnusq; Ludimagister ALBERTUS. *Tu mihi*
non respondentis sed Doctoris locum obtinere videris: Aquila ma-
gnarum alarum in Cathedralem nidum evolavit Doctor, THO-
MAS, numerosis pullis circumdatus, unus hic Doctor tantum
universis suffecit Auditoribus, quantum unus Phæbus univer-
so. Stetit in theatro eruditionis non aliter Sol Thomisticus
nisi tanquam in primo signo & Doctorali annulo consigna-
vit se Perfectissimam ÆTERNI VERBI Periodum esse & plenam
tanquam in flore. Verum si à Purpurato Capite sensum lau-
dis emeruisti, ab altero capite prodigiosis manibus ex herbis
artefacto de justa causa damni accularis. Quis ausus! quæ li-
centia! quam irrecuperabile nocumentum! o THOMA? in mi-
raculosum caput inadvertenter peccasti, delicatissimum mem-
brum quod sæcula cum reverentia servarent cito vibrata
oculorum acie occidisti & proscenium omnium temporum
unico in puncto sustulisti. Aurum nihilominus ad ignem
clarescit, tersissimæ gemmæ ad crassum pulverem pulchrius
nitent, virtus inter contraria eminet magis & inadvertentes
casus, sæpesæpius vertunt aleam felicitatis. Dejecit de mensa
caput fictitium THOMAS: ut in sola veritate componeret
Orbem. Prodigiosum opus ad ultimam resolvit materiam pa-
ravitq; ex his ipsis herbis capitali hosti ignorantiae medel-
lam. Caput primæ admirationis ad talem deduxit finem, ut
tanquam à capite magna Periodus esset. Delicatum hoc ce-
cidit membrum, ut THOMAM Periodum cæsim ac mem-
bratim de ÆTERNO VERBO concludentem prono in terram
capitis

capitis nutu indigaret. Nondum redeunt gramina campis: quid fecisti THOMA? ver cum autumno, hyemem cum æstate variasti, quæ causa! qualis virtus! quis effectus? dum herbosum caput inverso modo plantasti an supplantasti: quod perennius floreret, quod miracula loqueretur, suavem omnibus spiraret heccatomben, si in suo non opprimeretur flore. Prorsus non est casus sed elevatio, non contingens sed continuatum prodigium: ex fronte mensæ dejectum caput ante faciem THOMÆ procubuit: utiq; futurum Ecclesiæ Doctorem facie ad faciem adoravit, profundissimè salutavit. Si caput hoc factū infirmum, minimè tamen divisus in partes Orbis laborabit, haud unquam extremisabit, cui sanum THOMÆ Judicium abiit in pharmacum. Magno sudore elaboratum caput, quodammodo laboravit & ex suis flosculis THOMÆ Doctore Doctorem lauream elaboravit. O THOMA! si Te per longos verborum tractatus, nec per partes Orationis demonstrare valeamus Oratores, per capita Te cognoscat Universus Periodum ÆTERNI VERBI Perfectissimam. In Claustro AQUINATIS ÆTERNUM bini APOSTOLI deprædicant VERBUM, acuminosū de Illo Gentium Doctor PAULUS de suo libro explicat sensum, Claviger PETRUS cor scrutatur in profundiora arcana, THOMAS ad annulum Piscatoris Periodus rotunda, & ad acutum gladii stylum non crassa apparuit. Gravem hujus Periodi sensum acutā & astutā lingvā præscindere hæresis voluit. *Tolle THOMAM & dissipabo Ecclesiam*, sed integra tanquam ex torque protrahitur clausula, *Conclusum est contra Manichæos*. Eant in spatiosum circulum calami, citius ac in puncto cessabunt, quam punctum Thomisticæ attingent laudis, phæbeum THOMÆ ingenium inconnivā pupillā JOANNIS Aquila miratur non speculatur. Bos LUCÆ obmutescit, quia rationabilem THOMAM stupet & præ stupore cornua sentit, Angelus MATHÆI pennas non adaptat, sed Almo substernit Doctore. Leo MARCI flebili rugit voce supra abyssale & profundum THOMÆ Nomen: quomodo nos imbelles Oratores Abyssum penetrabimus THOMAM, qua cymba ingenij vastum Aquinaticum tranabimus Mare, quam athomum addere nitimur Thomistico Soli, qui omnia in se collecta lumina tenet. Adamantinô calculô signanda sunt verba, sisyphio opere sculpenda hujus Doctoris mysteria.

ria, totam ex **AMBROSIO** primis labijs exfluxit ambrosiam, quam
alij nec ultimis possunt, **AUGUSTINUM** Augustissimum effecit,
Summum **HIERONIMUM** conclusit; maximum in se exæquavit
GREGORIUM, Abyssus **THOMAS** tanta ingenia absorbens ac
Periodus Profundissima. Quidquid fecit in puncto hoc coro-
næ æternitatis inferendum, in quæstionibus clara dogmata ex-
posuit, in conclusionibus Prothasim & Apodosim miscuit, in
sillogismis omnes particulas posuit, Summam Summæ ac innu-
mera dinumeravit volumina, ut his præmissis conditionibus
perfectior Periodus inferretur. In publico disputantium con-
flictu acerrimus, in Religiosa Synaxi devotissimus, optima in
forma Periodus **THOMAS** plenam Syntaxim in se compre-
hendit. Disputantem hæresis timebat, orantem expanso pe-
core Ipse **DEUS** amabat, supra veram Illius eruditionem per
suam Crucem jurabat *Bene scripsisti de me THOMA!* jam
Thasis perfectissima **THOMAS** absq; sensu suspensio: jam flui-
da Periodus adinstar scaturientium pleno Sangvine Vulnerum
CHRISTI Penduli in Cruce. Bene scripsisti **THOMA**: in excel-
lenti Periodus es. *Quam ergo mercedem recipies?* qua perfectum
tui laboris opus claudetur coronide, ecce corona æternitatis
absq; coronide. Imo si Totus **AQUINAS** ex anagrammate
fluit & liquefcit in aquas, supra has aquas in specie Columbæ
PNEUMA DIVINISSIMUM ferebatur, nidû secretorû ad Abyl-
sum posuit **THOMAM**, suisq; pennis pneuma **ÆTERNI VERBI**
perfectissimè circumduxit. In Romanum missus Orbea **THO-**
MAS: de septem altis collibus in vitia hæreticorum fulmina-
bat, omne scelus ad ultimam Thulen propulsabat, clarissimè
conceptum **ÆTERNI VERBI** demonstrans ut est in Cælo. Quæ
PAULO dicere non licuit, hoc **THOMAS** prædixit, didicit
omnes, qui **THOMAM** intelligit, de **DEO** sic loquebatur quasi
omnia vidisset, De **TRIBUS PERSONIS** quasi Singulas nosset,
disputavit ut Spiritus, sub nota peccata, sub crystallo claras vir-
tutes demonstravit, de **ABBREVIATO VERBO** prout perio-
dicè conclusit, revelet post fata Socius **THOMÆ** apparens non
ego silentiosus Orator. Altum Eruditionis **THOMAS** superba
scientiâ non inflatum: pungendo & puniendo mortificationi-
bus innocens suum corpus, talibus punctis perfecta Periodus
non absq; figura admirationis claudebatur. Canon oraculorum
THO.





PP.

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

